

Александр  
ДЮМА

УЧ  
мушкетёр

LituZ.com

**LITUZ.COM**

Александр  
Дюма

---

Уч  
мушкетёр



ТОШКЕНТ "ЯНГИ АСР АВЛОДИ" 2012

**LITUZ.COM**

**УДК:821.512.133-3**

**ББК:84 (4Фран)**

**Д-95**

**Дюма Александр.** Уч мушкетёр/Роман. Русчадан Б.Бойқобилов, С.Тўрахонова тарж. –Т.: Янги аср авлоди. 2012. – 848 б.

ISBN 978-9943-08-894-8

“Уч мушкетёр” романни муаллифнинг бошқа асарлари сингари жаҳон адабиётидаги энг сара асарлар рўйхатидан ўрин олган.

XVII аср Франция ҳаётидаги воқеалардан ҳикоя қиливчи ушбу асарда улуғвор ғоялар, ўлмас тўйғулар, инсонийлик, шахс эркинлиги, орзулар сари интилишга қаратилган турли хил йўллар талқини ўз аҳамиятини сақлаган ҳолда ўқувчининг қалбига кириб боради. Асаддаги қаҳрамонлар, хусусан, гасконлик ёш дворян Шарль д’Артаньян ҳамда унинг уч мушкетёр дўсти – Атос, Портос ва Арамисларнинг матонатли кураши, ақл-заковати ва уддабуронликларининг талқини ўқувчини мутолаага ундаиди.

Бу дурдона асар икки қисмдан иборат бўлиб, воқеаларнинг ҳар қандай уйдирмалардан ҳоли тарзда, ҳаққоний ифодалаганлиги унинг бугунги кунгача қадрини йўқотмаганлигига сабаб бўлган.

Қатиятлилик ва ишонч, нафс йўлида қилинган иғволар, қасос олишга мойиллик ва ечимини топиши чигал бўлган вазиятлар асосида қурилган ушбу саргузашт асарни сиз, азиз китобхонлар эътиборига ҳавола этамиз.

**УДК:821.512.133-3**

**ББК:84 (4Фран)**

*Русчадан  
Барот БОЙҚОБИЛОВ  
Сурайё ТУРАХОНОВА  
таржимаси*

ISBN 978-9943-08-894-8

© Александр Дюма, “уч мушкетер”. “Лиги аср авлоди”, 2012 йил.

**LITUZ.COM**

Библиотека  
КИСМ

---

---



**LITUZ.COM**

## **МУАЛЛИФ СЎЗБОШИСИ**

Бунда, биз китобхонларга ҳикоя қилишга мушарраф қисса қаҳрамонларида, гарчи уларнинг номлари «ОС» ва «ИС» билан тугаллансанда афсонавий ҳеч нима йўқлиги аниқланади.

Тахминан бир йил муқаддам Қирол кутубхонасида Людовик XIII тарихига доир қидиувлар билан машғул пайтимда мен иттифоқ ҳақиқатни айтишга интилган, кейин узоқ ёки қисқа муддатга Бастилияга rawona бўлишга майли бўлмаган муаллифларнинг аксар асарлари сингари Амстердамда, Пер Ружникида нашр этилган «Жаноб д'Артаньян» хотираларига йўлиқиб қолдим. Мени сарлавҳа қизиқтириб қўйди: мен мемуарларни уйга, албатта кутубхона қўриқловчиси ижозати билан олиб кетдим-у, харислик билан уларга ёпишдим.

Мен бу ерда шу аломат асарни муфассал таҳлил қилмоқчи эмасман, фақат китобхонларимнинг ўтмиш лавҳаларини қадрлай биладиганларига улар билан танишиб чиқишни маслаҳат бермоқчиман. Улар бу мемуарларда моҳир қўл билан қоралангандар портретларни топадилар, гарчи бу енгил-елпи лавҳалар аксар ҳолларда казарма эшиклари ва қовоқхона деворларида солинган бўлса-да, барибир китобхонлар улардан Людовик XIII, Анна Австрийская<sup>1</sup>, Ришелье, Мазарини ва ўша давр саройи аҳлидан талай кишиларнинг тасвирларини, худди жаноб Анкетил тарихидаги<sup>2</sup> сингари тўғри тасвирларни таниб олади.

---

<sup>1</sup> Анна Австрийская – Франция қироличаси, Людовик XIII нинг ратиқаси ва Австрия қиролининг синглиси.

<sup>2</sup> Аббат Анкетил (1723-1806) – Франция кўп жилди тарихи нинг муаллифи.

Бироқ, маълум бўлганидек, ёзувчининг нозик идрокини гоҳида кенг китобхонлар оммаси илғамаган нарсалар тўлқинлантириб юборади. Қойил қолишлари шубҳасиз бошқалар сингари мемуарларнинг бу ерда таъкидлаб ўтилган фазилатларидан завқланиб, биз ҳарҳонда, бизгача афтидан ҳеч кимса заррача парвоқилмаган бир жиҳатдан ҳайратда қолдик.

Д'Артанъян ҳикоя қиласиди, у қирол мушкетёрлари капитани ҳузурига дастлаб ташриф буюрганда унинг қабулхонасида ўзи қабул этилиш шарафига эришмоқчи бўлиб юрган шавкатли полқда хизмат қилгувчи, номлари – Атос, Портос ва Арамис бўлган учийигитни учратган.

Эътироф этамиз, қулоқларимизга бегона номлар бизни таажжублантириди ва дафъатан буларнинг ҳаммаси замирида: фақат бу лақабларнинг эгалари тантилиқдан, аламдан ёхуд қашшоқлиқдан оддий мушкетёрлик ридосини кийган кун танлаб олмаган тақдирда, д'Артанъян эҳтимол машҳур номларни яширган, деган гап кўнглимизга келди.

Ўша пайтга эътиборан бизнинг қизғин синчковлигимизни қўзғатган бу гаройиб номларнинг бирор изини топишга уриниб, ором билмадик.

Шу ниятда биз мутолаа қилган китоблар рўйхатининг ўзи бутун бошли бир бобни ташкил қилган бўлурди, бу нарса балки ибратли бўлармиди, лекин китобхонларимиз учун мароқли бўлиши амри маҳол. Шу сабабдан биз фақат узоқ ва натижасиз уринишлардан ҳафсаламиз пир бўлиб, қидирувларимизни ташлашга қарор қилиб турган пайтда, биз ниҳоят машҳур ва донишманд дўстимиз Полен Париснинг насиҳатларига амал қилиб №4772 ва №4773 деб қайд этилган, аниги хотирамизда йўқ, ва: «Қирол Людовик XIII подшоҳлигининг пираварди ва Қирол Людовик XIV подшоҳлигининг бошларида Францияда кечган баъзи воқеалар тўғрисида граф де Ла Фернинг хотиралари» деб номланган қўлёзмани топиб олганимизни айтиб ўтамиз, холос.

**LITUZ.COM**

Бу қўлёzmани, ўзимизнинг сўнгги илинжимизни варқлаб туриб, йигирманчи саҳифада Атоснинг, йигирма еттинчида – Портоснинг, ўттиз биринчисида эса – Арамиснинг номларини топиб олганда қувончимиз нақадар кучли бўлганини тасаввур этмоқ мумкин.

Тарих фани тараққиёти шу қадар юқори даражага етган бир даврда мутлақо номаълум қўлёzmанинг топилиб қолиши бизга мўъжизадек туюлди. Биз бир кун келиб ўзгалар хазинаси билан, мабодо ўзимизники билан – бу жуда эҳтимол нарса – Франция Академиясига қабул қилинолмасак, Ёзувчилар ва Нафис Адабиёт Академиясига учраш ниятида уни нашр этиш учун рухсат сўрашга ошиқдик.

Бундай ижозат бизга берилдики, бу нарсани шу ерда қайд этиб ўтамиш, токи, биз, яшаб турган даврда ҳокимият адилларга нисбатан унча хайриҳоҳ эмас, деб таъкидлаб юрган қора кўнгил кишиларнинг ёлғончилиги фош бўлсин.

Биз ҳозир китобхонларимизга бу бебаҳо қўлёzmанинг биринчи қисмини ўзига муносиб сарлавҳани тиклаган ҳолда ҳавола этмоқдамиз ва бу биринчи қисми ўзи арзийдиган, бизнинг имконимиз комил муваффақиятни қозонган тақдирда, иккинчисини ҳам ошиғич эълон қилишни зиммасига оламиз.

Ҳозирча эса қабул этгувчи иккинчи ота бўлиши сабабли китобхонни ўз завқлари ёки зиқлиги манбай деб гарф де Ла Ферни эмас, бизни билишга таклиф этамиз.

Шуни аниқлаб олгач, ҳикоямизга ўтамиш.

LITUZ.COM

# I

## Ота-д'Артанъян жанобларининг уч армуғони

1625 йил апрелининг биринчи душанба куни бир замонлар «Атиргул ҳақида роман»<sup>3</sup> нинг муаллифи таваллуд топган Менг шаҳарчасининг аҳолиси, гүё гугенотлар<sup>4</sup> уни иккинчи Парошелга<sup>5</sup> айлантиришга шайлангандай бесаранжом кўринарди. Асосий кўча томон чопиб бораётган аёлларни кўрган ва уйлар бўсағасидан келаётган болаларнинг қий-чувини эшигдан шаҳарликларнинг баъзилари шоша-пиша кийинишар, яроғ-аслаҳаларини олишар, ўзларига диловарроқ тус бермоқ учун ким пилта, ким биротар милтиқ билан қуролланганча қаршисида шовқинли оломон тўпладиб, дақиқа сайин кўпайиб бораётган «Озод тегирмончи» меҳмонхонаси томон физиллардилар.

У замонлар бундай тўполонлар одатий ҳол бўлиб, камдан-кам қунлардагина у ёки бу шаҳар ўз солномасига шу хил ҳодисаларни қайд этолмай қоларди. Аслзода жаноблар бир-бировлари билан тортишардилар, қирол кардинал билан урушарди; испанлар қиролга қарши жанг олиб борардилар. Аммо гоҳ босик, гоҳ очиқ, гоҳ пинҳоний, гоҳ ошкор бу қурашдан бўлак яна гадойлар, гугенотлар, дайди ва хизматкорлар бор эдик, улар ҳамма билан олишардилар. Шаҳарликлар ўғри-

<sup>3</sup> «Атиргул ҳақида роман» – машҳур ўрта аср француз поэмаси (XIII). Поэмани Гилём де Лоррис бошлаган, иккинчи қисми Жон Клопинел (Менгский) томонидан яратилган.

<sup>4</sup> Гугенотлар – Францияда калвинист (протестан) динининг тарафдорлари. XVI асрнинг иккинчи ярми – XVII асрнинг бошида асосан қирол ҳокимияти ўтказган марказлаштириш сиёсатидан норози дворянлар ва феодал аъёнларининг бир қисми гугенот нот бўлган.

<sup>5</sup> Парошел – Атлантик океани соҳилидаги шаҳар. Гугенотларнинг таянчи, 1628 йили кардинал Ришелье томонидан узоқ қамалдан кейин эгаллаб олинган.

парга, дайдиларга, хизматкорларга қарши қуролла-нишларди-ю, бироқ, кардинал ёки испанларга қарши ҳаргиз қўл кўтаришмасди. Мана шу сингиб кетган одатга кўра юқорида зикр этилган 1625 йил апрелининг биринчи душанбаси куни шаҳарликлар шовқин-суронни эшитган ҳолда герсог Ришелье<sup>6</sup> мулозимларининг уқали либосларини, сариқ, қизил белгиларини кўрмасдан «Озод тегирмончи» меҳмонхонаси томон югуриб қолдилар.

Фақат ўша ердагина тўс-тўполоннинг сабаби аён бўлди.

Ёш йигит... Унинг хомаки тасвирини чизиб беришга ҳаракат қиласлийк: ўн саккиз ёшдаги дон Кихотни, совут ва яроғ-аслаҳасиз, кўк ранги қизфиш ва мовийлар ўртасидаги бир тусга кирган камзуллик дон Кихотни кўз опдингизга келтиринг. Чўзинчоқ бугдойранг юз, тутиб чиқсан ёноқлар – муғомбирлик нишонаси; жағ мушакларининг ҳаддан ортиқ чайирлиги, ҳатто, берети бўлмагандан ҳам гасконлик<sup>7</sup> эканини дарров билдириб қўювчи яққол белги, ёш йигит эса пат мисол нарса билан безатилган берет кийиб олган эди: нигоҳи самимий ва оқил. Бурни қирғий, аммо нозик қуийилган, бўйи ўспирин учун ортиқ даражада баланд, балоғат ёшидаги эркак киши учун кам. Мабодо яёв юрса эгасининг оёқларига уриладиган, отга минса ёлини тўзғитадиган қайишга осиглиқ узун қиличи бўлмагандан тажрибасиз одам уни сафарга чиқсан ферма эгасининг ўғли, деб ўйлаши мумкин эди.

---

<sup>6</sup> Ришелье Арман Жандю Плесси — нуфузли герсог, машҳур француз давлат арбоби. 1622 йилда қиролнинг илтимоси билан Рим папасидан кардинал (католик черковининг энг катта амалдори) унвонини олган ва 1624 йилда қудратли министр бўлган. Ришельевинг асосий вазифаси қирол ҳокимиётини кучайтириш, мамлакатнинг феодал тарқоқлигини ва қадимий феодаллик имтиёзларини йўқотишдан иборат эди.

<sup>7</sup> Гаскон — Франциянинг жанубидаги область (вилоят). Гаскон зодагонлари одатда қирол гвардиясида хизмат қилишган.

Зеро, йигитчамизнинг оти бўлиб, яна шунақанги аломат хилидан эдики, у ҳамманинг назарига тушди-кўйди. Бу ўн икки, ҳатто, ўн тўрт ёшлар чамасидаги бақайлари шишиб кетган, думи туллаган, сарғиш малла тусдаги беарн<sup>8</sup> ахта оти эди. Бу от бошини тиззаларидан ҳам қўйироққа солинтириб, шу билан эгасини сувлуқ тортиш ташвишидан қутқариб йўртса-да, ҳарҳолда, қунига саккиз ле<sup>9</sup> масофани босиб ўтишга қодир эди. Бахтга қарши, отнинг бу хусусиятлари унинг бесўнақай қўриниши-ю фаройиб ранги билан тўсилиб қолган, ҳамма синчи бўлган ўша йилларда юқорида зикр қилинган отнинг чорак соат илгари Божанси дарвазасидан кириб, Менг шаҳрида зоҳир бўлиши шу қадар ноxуш таассурот қолдирдики, ҳатто, суворийнинг ўзига ҳам доф тушириб қўйди.

Буни ҳис қилиш ёш д'Артанъянга (янги Россинантда ўтирган янги дон Кихотнинг номи шундай эди) у ўзи қанча яхши суворий бўлмасин, бундай отда у нечоғлик қулгили қўринишга мажбурлигини ўз-ўзидан яшириб ҳам ўтирмаганлиги учун янада кучлироқ алам қиласарди. Бу армуғонни ота-д'Артанъяндан қабул қиласар чоғида у ўзини тиёлмай оғир энтикиб қўйгани бежиз эмас эди. Бундай отнинг баҳоси кўп деганда йигирма ливр бўлишини у биларди. Бироқ, армуғонга илова қилинган сўзларнинг бебаҳолигини инкор этиб бўлмас.

– Ўғлим! – Генрих IV<sup>10</sup> сўнгги қунларигача унуполмаган ўша соф беарн талаффузида сўзлаганди гаскон

---

<sup>8</sup> Беарн – Франциянинг жанубидаги, Пиреней тоғлари этагидаги область (вилоят).

<sup>9</sup> Ле – узунлик ўлчови.

<sup>10</sup> Генрих IV Бурбон – француз қироли (1589-1610). Тахтга ўтиришидан илгари гугенотлар йўлбошчиси бўлган. Кейинчалик сиёсий мулоҳазалар билан католизмга оғиб кетган. 1598 йилда у Нонт эдикт (фармон) нашр қилган, унга биноан гугенотларга эътиқод эрки билан бирмунча сиёсий мустақиллик берилган.

**Bu asarning tanishuv  
parchasi hisoblanadi.  
Asarning to'liq qismini  
lituz.com saytida  
o'qishingiz mumkin.**

